





492  
11.

COLLEGII FEVDALIS  
*DISPUTATIO IV.*

*De*  
REBVS QVÆ IN  
FEVDVM DARI POS-  
SVNT.

*Quam,*  
*Divinâ aspirante gratiâ*

In celeberrima VVitebergensium  
Academia,

*SVB PRAESIDIO*  
HELFRICI VLRICI HVNNII  
Marpurgensis Hesi U. J. D.

*Privati exercitij causa proponit*  
ANTHONIUS NESENIUS.

*Ad diem 8. Iunii horis 8 loco solitis.*



VVITEBERGÆ  
Typis Laurentij Seuberlichij.



Magnifico, Nobilibus, amplissimis, Consultissimisque

VIRIS


Dn. HIERONYMO VOEGLERO  
Inclytæ Reipub. Hamburg. Consuli dignis.

Dn. VITO VVINSHEMIO  
Comitis Frisæ orientalis Consiliario ac  
archiquæstori solertis.

Dn. IOHANNI VVINSHEMIO  
J. U. D. Comitis Oldenburgensis  
Consiliario prudentis.

Domini patronis ac Mecœnatibus suis summè colendis  
hoc feudistici studij προγύμνασμα in grati animi  
testimonium submisit offert ac DD.

Anthoñius Neſenus Lippiaco-  
VVestphalus Resp.



DISPUTATIO FEUDALIS IV.

De

Rebus quæ infeudum dari  
possunt.

THESIS I.

**F**eudum, sive beneficium non nisi in re-  
bus soli, aut solo cohærentibus, aut in  
ijs, quæ inter immobilia numerantur  
constitui posse, ait Feudista in *tit. I. §.*  
*fin. lib. 2. Feud.*

II. Ex qua Feudistæ sententiâ colligitur, tria esse  
feudi subiecta idonea: Res immobiles, immo-  
bilibus cohærentes, & quæ immobilibus annu-  
merantur; De quibus singulis ordine dicemus.

III. Res *immobiles* sunt; veluti fundus, prædium,  
area, ædificium, & eius generis alia quæ de loco in  
locum moveri non possunt: in cuius modi rebus  
vel maximè feudum constitui posse satis innuit  
Ictus, dum feudum per solam rem immobilem  
definit in *tit. 23. in fine lib. 2. F.*

III. In rebus itaque *mobilibus* feudum consti-

A 2

tui

tui nequit; Eò quòd caducæ sint ac fluxæ, facileq;  
corrumpi ac interire possint: De feudi aut natura  
sit ut in perpetuum constituatur. *d. tit. 23. in fine.*  
*lib. 2. F. Hotom. in disputat. feud. cap. 14. Sonsbec.*  
*part. 2. n. 15. Conrad. Rittersh. in partit. feud. cap. 7.*  
*quæst. 2. Rosenthal. cap. 4. concl. 1. Borcholdt de feud.*  
*cap. 6. n. 32. Et seq. Sneidevvin in Epitom. feud.*  
*part. 2. n. 30. vvesenb. in tractat. feud. cap. 7. n. 8.*  
*Vult. lib. 1. de feud. cap. 7. n. 55. Diss. Henric. Bo-*  
*cer in tractat. de substant. feudi. cap. 1. n. 23. Et seq.*  
*Ianus de Arcedura in conclus. feudal. cap. 1. con-*  
*clus. 2. n. 8. Iob. Niell. in disput. feud. 3. th. 3. lit. a.*  
**V.** Idq; vel maximè de illis rebus, quarum  
usus in absumptione consistit, quarumq; pro-  
prietas unà cum usu fructu ad fructuarium trans-  
it, verum est, in quibus ne quidem intervenien-  
te cautione illa, per quam usus fructus in rebus  
istiusmodi constitui solet, feudum constitui po-  
test. Cum de Substantia feudi sit, ut proprietas pe-  
nes dantem maneat: Usus fructus vero solus ad  
accipientem transeat. *d. tit. 23. in fine Vult. de feud.*  
*cap. 5. n. 10. Vvesenb. in com. feud. 1. 7. Borcholt. de feu.*  
*cap. 6. n. 34. Zas in Epit. feud. part. 4. n. 21. Sonsbec.*  
*part. 8. n. 27. Rosenthal. cap. 4. concl. 7. Schrader.*  
*in tractat. feud. part. 3. cap. 1. n. 7. Rittershus. i.*  
*part.*

part. feud. cap. 7. quest. 3. Diss. Mozz. in tractat.  
feud. cap. de rebus, quæ in feudum dari poss. n. 17.  
Bocer. de. substant. feudi cap. 1. n. 31.

VI. Quod idem quoq; in pecunia ex feudo  
redacta statuendum videtur *Sneider* in *Epit.*  
*feud. part. 2. n. 18.* *Vult. in com. feud. cap. 5. n. 10* *Bor*  
*chold. de feud. cap. 6. n. 14.* *Wesenb. de feud. cap. 7. n.*  
*9. vide Bocer. in d. tractat. de feudi substantia cap. 1.*

VII. Cæterum etsi in rebus mobilibus, ut  
dictum est, feudum constitui non possit: tamen  
consequentiam rerum immobilium in feudum  
concessarum, & illas in feudum dari, verius, est.  
*arg. l. si quando. C. unde vi, l. si quando C. de bonis va-*  
*cantibus. Vult. lib. 1. de feu. c. 5. n. 4. Rosent. c. 4. cõcl. 4.*

VIII. Vnde quæ perpetui usus causa sunt in  
fundo atq; ad eius instructionem pertinent, quan-  
tumvis mobilia sint simul cum fundo in feu-  
dum concessa intelliguntur. *Vult. d. cap. 5. n. 10.*  
*Borcholt in com. feud. cap. 6. n. 2. § 9. Ros. d. con-*  
*cl. 4. Schrader. in tractat. feud. part. 3. cap. 1. n. 16.*

IX. Secundo feudum in rebus quæ immobilibus  
coherent constitui posse, diximus. Ex illarum ve-  
ro genere sunt fructus pendentes, sive solo adhuc  
coherentes, qui, fundo in feudum dato, per con-  
sequentiam & ipsi in feudum dati censentur,

A 3

idque

idque dubium vix recipit ullum arg. l. fructus.  
44. ff. d. R. vindicat Sneidervein in Epit feud.  
part. 2. n. 31. Zasius in Epitom. feud. part. 4. n. 4.  
Borcholt. d. cap. 6. n. 11. Covar. lib. 1. var. resolut.  
cap. 18. Schrader. part. 3. cap. 2. n. 55. Et cap. 4. n.  
7. Vult. in d. cap. 5. Rosenthal. cap. 4. concl. 2.

X. Sed num fructus hi pendentes, & seorsim,  
absque solo in feudum concedi possint? Magnæ  
est difficultatis. Nos generali lcti assertione  
moti id affirmandum putemus; dummodo fru-  
ctus eius sint generis, ut quotannis renascantur,  
Rosenth. in synopsi feudali cap. 4. conclus. 2. Vult. lib. 1.  
de feud. cap. 5. n. 4. Borcholt. cap. 6. n. 11. Ruding. lib. 1.  
Var. lect. feud. cap. 65. Diss. Schrader. part. 3. cap. 2. n.  
6. Et seq. Ian. de Arcedura in concl. feud. cap. 1. con-  
clus. 6. num. 8. Iohan. Niell. in disput. feud. 3. thes. 1.

XI. Præterea inter solo cohærentia vulgò re-  
ferunt castrum quod, re immobili; veluti fundo  
in feudum concessio & ipsum in feudum datum  
intelligitur, arg. tit. 4. §. item si vasallus possederit  
castrum. et §. similiter si quis possederit, lib. 1. F. Henric.  
Bocer. in tractat. de qualitat. Et diff. feud. cap. 4. n. 15.

XII. Quin & castro, seorsim concessio, territori-  
um unà concessum esse, contra Oldradum & alios  
quosdam è veteribus, bene defendit Bocerus, cu-  
ius



ius etiam sententiæ libenter subscribimus arg. l.  
si pupillus 239 §. territorium ff. de v. s. & l. 1. §.  
initio ejusdem. ff. de offic. præfect. urb. Bocer. in d.  
cap. 4. n. 22. & seq. Schrader in tractat. feud. part.  
3. cap. 4. n. 27.

XIII, Sed num similiter & Jurisdictio intelli-  
gatur concessio in feudum castrò? Quæritur. Af-  
firmant plerique; Maximè si in eo concedens cõ-  
sueverit exercere jurisdictionem: eò quod tunc  
jurisdictio cohæreat potius territorio quàm per-  
sonæ. Zas. in Epitom. feud. part. 4. n. 20. Bartol.  
in l. inter eos ff. de acquir. rer. dom. Vult. cap. 5. n. 5.  
Wesenb. in paratit. ff. de Jurisdict. et in tractat. feud.  
cap. 7. n. 6. Matth. Stephani in tract. de Jurisdict.  
lib. 1. cap. 38. n. 7. Covarr. lib. practic. Quest. cap. 1. n.  
ult. Menoch. lib. 3. præsumpt. 97. n. ult. Iohan. Hen-  
ric. Link. in tractat. feud. part. 2. n. 52.

XIV. Verùm contrariam sententiam, quòd  
immo jurisdictio in dubio personæ potiùs, quàm  
castro cohæreat adeoque concessione castri, Ju-  
risdictio nequaquam transferatur, verioreni pu-  
tamus & omninò recipiendam, l. eum qui, ff. de  
Jurisd. l. fin. ff. de offic. præfect. urb. l. potestatis ff. de  
v. s. l. penult. ff. Ne vis fiat. Bocer. in d. cap. 4. nu.  
31. & in tractat. de Jurisdict. cap. 8. n. 15. & seqq.

XV. Idem

XV. Idemq; de territorio alicui in feudum concessio statuendum existimamus, ut nec cum eo in vasallum jurisdictio translata censeatur. *arg. d. l. fin. ff. de offic. praefect. urbi* & *l. Eum qui. ff. de Jurisdict. Menoch. lib. 3. praesumpt. praes. 97. num. 6. Diss. Bocer. in d. tractat. de Jurisdict. cap. 8. n. 21. post Longovall. in d. l. 3. part. 4. cap. 1. n. 16. ff. de Jurisdict. & Alciatum in d. l. pupillus. 239. §. territorium. ff. de U. S.*

XVI. Quod si verò princeps alicui castrum unà cum jurisdictione in feudum cōcesserit, dubium nullum est, quin jurisdictio simplex cum castro ad vasallum transferit: sed num & imperium mixtum? Ita putamus: cum jurisdictio huic imperio infit; & vicissim imperium istud jurisdictioni inseparabiliter cohæreat *l. 1. in fin. & l. fin. ff. de offic. eius Matth. Stephani in tract. de jurisdict. lib. 1. cap. 38. nu. 9. & 10. Ruding. lib. 2. Var. lect. feud. cap. 14.*

XVII. Secus verò imperium: Hoc enim quia jurisdictioni non inest, ideo generaliter jurisdictione cum territorio concessâ, non dicetur & ipsum concessum, *arg. l. 1. in pr. & l. fin. ff. de offic. eius cui mand. est jurisdict. Menoch. d. lib. 3. praesumpt. 97. n. 15. & seqq. Matth. Stephani lib. 1. de Jurisdict.*

*risdict. cap. 35. Bocer. de Iurisdic. d. cap. 8. n. 7. &*  
*seqq. Diss. Covar. in lib. practic. quest. cap. 1. n. 10.*  
*Fachin. 7. contr. 69 Iohan. Niell. in disput. 3. feud. th.*  
*5. lit. C.*

**XVIII.** Nisi iurisdic. plenissima, sive omni-  
moda in feudum fuerit data, Tunc enim & impe-  
rium merum concessum, esse nihil omnino dubi-  
tamus, l. 7. § fin. ff. de offic. procons. Matth. Stephani  
in tractat. de Iurisdic. lib. 1. cap. 38. n. 11. Lingoval.  
ad L. 3. part. 4 ff. de Iurisdic. Muscorn. in tract. de  
Iurisdic. n. 24. & seq. Vasquius lib. 1. Ill. Contro-  
vers. cap. 9. n. 9. Covar. in lib. pract. quest. cap. 1. circa  
finem. Anton. Fab. in Rational. ad L. 7. § fin. ff. de  
offic. procons. Bronchorst. cent. 1. assert. 17. Vult. in  
tract. feud. cap. 5. n. 5. Borcholt in comm. feud. cap. 6. n.  
35. Sneidevvin in Epit. feud. part. 2. n. 91. Rudin. lib.  
2. var. lect. feud. cap. 36. disp. Bocer. in d. tractat. de  
Iurisdic. cap. 8. n. 12. vide & Curt. Iun. de feud. cap.  
1. n. 43.

**XIX.** Quod si princeps alicui in feudum dede-  
rit castrum cum omnibus pertinentijs suis, existi-  
mant nonnulli & hic cum iurisdictione merum  
& mixtum imperium transferri ad vasallum. Sed  
cum iurisdictione, mixtum merumq; imperium ca-  
stro sive pago non cohæreat, nec etiã propriè per-  
tinentium nomine veniant, verior nobis videtur

B

con-

contraria negantiū opinio, *Menoch. d. præsumpt.*  
*97. n. 38. Diss. Bocer. de Iurisdic. d. c. 8. n. 24.*

**XX.** Rei porro immobili cohærent res incor-  
porales sive jura: Et ideo illa quoque cum re im-  
mobili in feudum dari, consequens videtur *d. t. r. in*  
*fin. lib. 2. F. Wesenb. in comm. feud. cap. 7. n. 6.*

**XXI.** Unde servitutes prædio debitæ: Reditus  
annui, vectigalia, jus patronatus: Et si quæ alia  
sunt jura, immobili rei inhærentia, rectè unà cum  
fundo, quamvis illorum nulla sit expressa mentio  
facta, in feudum concessa intelliguntur, *Wesenb.*  
*in com. feud. cap. 7. n. 6. Zas. in Epit. feud. part. 4. nu.*  
*9. Borcholt de feudis cap. 6. n. 11.*

**XXII.** Immobilibus etiam cohærent molendis  
na, quæ & ideo unà cum prædio & fundo in feu-  
dum concessa videntur: *Schneidev. part. 2. n. 42.*  
*& seqq. Schrader. in tractat. feud. part. 3. cap. 4. nu.*  
*34. Wesenbec. in Epitom. feud. cap. 7. n. 6. Vult. de*  
*feud. cap. 5. n. 5.*

**XXIII.** Sed & in his nõ modo ita in consequen-  
tiam rei immobilis: verum per se etiam feudum  
constitui potest: dummodo terræ sint affixa, sic  
ut de loco non possint in locum moveri: Et ideo  
in illis molis quæ aquis innatant nulla ratione feu-  
dum constitui posse, verius est *Rosenth. in synopsis*  
*feudali cap. 4. concl. 4. Vult. de feud. lib. 1. cap. 5.*

*Ruding.*

*Ruding. lib. 2. var. lect. feud. cap. 13. Henric. Linck.  
in tractat. feud. part. 2. n. 62.*

**XXIV.** Ædificia quoq; fundo cohærent: Igitur  
& hæc tam per se, quam per cōsequentiam in feu-  
dum concedi posse, non ambigitur: Quin & cum  
ipsis ea universa quæ vel affixa sunt illis, vel ad uti-  
litatem & usum eorundem pertinent simul trans-  
feruntur, *arg. l. 31. §. fin. cum ll. seqq. ff. de act. empt. l.  
41. §. hoc Scitum ff. de legat. 1. Wesenbec. in d. cap.  
7. num. 6. Schrader. in d. tractat. feud. part. 3. c. 4.  
num. 2.*

**XXV.** Idem quoq; de sylva dicendum, quæ tam  
seorsim per se, quàm unà cum prædio, cui cohæret,  
in feudum dari potest, *Schrader. part. 3. cap. 4.*

**XXVI.** Sed num sylvâ per se, vel cum fundo in  
feudum concessâ, venationes etiam simul concessæ  
videantur? Dubium est. Verior nobis videtur  
Negantium opinio: Nisi forsitan jus istud venandi  
ipsi prædio debeat ac cohæreat, *vide Gail. 2. obs.  
66. Iohan. Henric. Linck in tractat. feudali part. 2.  
num. 47. Schrader. part. 3. c. 4. num. 47. vide etiam  
Ian. de Arcedura in conclus. feud. cap. 1. num. 4.  
Wesenb. in cap. 7. num. 3. Harpr. ad §. feræ num.  
163. Inst. d. R. divis.*

B 2

**XXVII. Quod**

XXVII. Quod & ipsum in fluvijs, & stagnis, in feudum vel per se, vel in consequentiam prædij, cui adhærent, concessis obtinere videtur, ut nec tunc jus piscâdi unâ concessum intelligatur. Videantur *Authores ad prox. thes. citatos.*

XXVIII. Et hæc quidē circiter sunt illa, quæ immobilibus rebus cohærentia, in feudum dari possunt. Sequitur nunc de rebus quæ *inter immobilia numerantur*, & tertio loco in feudum dari posse, supra dicebantur. Ex illarū verò numero est primò pecunia, quam princeps alicui ex suo ærario annuatim sub fidelitate ac servitiis præstandis cōfert; cuiusmodi feudum de camera appellari, dictum est supra *in disput. 2. thes. 90. per d. tit. 1. in fine lib. 2. F. Borcholt. c. 6. n. 13.*

XXIX. Itemq; vinum, oleum & frumentū, quæ ex penuario suo, horreo vel cellario Dominus annuatim alicui fidelitatis ac servitorū nomine concedit; Quod feudum de cavena appellari solet *d. tit. 1. lib. 2. F. Borcholt. in d. c. 6. n. 13. Schrader. part. 3. cap. 3. n. 2. Rosenth. part. 4. cap. 6.*

XXX. Ejusdemq; generis sunt panes civiles, qui certo tempore dantur his, qui tesseram, id est, certæ rei signum adferunt, *Sonsbec. de feud. part. 8. n. 25. Zas. in Epitom. feud. part. 4. n. 14.*

XXXI. Atq; annui redditus, qui immobiliū naturā sequun-

rá sequuntur ac imitantur *l. fin. §. jubem9 C. d. SS. Eccles. l. si quis inquilinos. ff. de legat. 1. Gail. 2. observ. 10. Rosenth. cap. 4. concl. 7. Sonsbec. par. 8. n. 24. Vult. cap. 5. n. 9. Borcholt. in com. feud. cap. 6. n. 15. Schrader. part. 3. cap. 3. n. 2. & seqq. Zas. part. 4. n. 9.*

**XXII.** Et deniq; Actiones de rebus immobilibus competentibus *Gail. 2. obs. 11. Borcholt. cap. 6. n. 16. Rosenthal. 4. concl. 8. Mozz. de feud. in. cap. de rebus quæ in feud. dar. n. 11. Alvarott. in d. tit. 1. §. sciendum lib. 2. F. Zas. part. 4. n. 11. Vult. d. cap. 5. n. 8. Schrader. part. 3. c. 3. n. 2. & seqq.*

**XXIII.** Cæterum res isthæ, quas hætenus recensuimus sic demum in feudum dari possunt, si non prohibita sint qualibet ratione alienari *tit. 3. §. 1. lib. 2. Feud.*

**XXIII.** Hinc communiter Interpp. Res Ecclesiæ infeudari non solitas, quia alienari non possunt, nec in feudum eas dari posse concludunt, *Schneidev. part. 2. n. 4. & seqq. Duaren. de benefic. lib. 7. cap. 9. & in tract. feud. cap. 5. n. 4. Hanneton. de feud. lib. 1. c. 4. Sonsbec. part. 8. n. 4.*

**XXV.** Indeque, quænam res infeudari solitæ dicantur, & quæ nõ, mirum in modum FF. disceptant. E quibus tamen probabilior videtur illorũ sententia, qui hoc omne iudicis arbitrio committunt, *Fachin. 7. contro. 62. Menoch. arbitrar. judic.*

quæst. cap. 81. n. 5. Duaren in tractat. feud. cap. 5. n. 6.  
vide Ian. de Arcedura in conclus. feud. cap. 1. concl. 4.  
n. 6. Iohan. Linck in d. tractat. feud. part. 2. n. 7. Ro-  
senthal. in synopsi feud. cap. 4. conclus. 29.

**XXXVI.** Veruntamen hanc distinctionem in-  
ter res infeudari solitas, & non solitas novissimè  
repudiavit *Hermannus Vulteius* & quascunq; res  
Ecclesiasticas, et iam in feudum dari non solitas  
(exceptis titulis, decimis & primitijs) in feudum  
dari posse statuit, modò Ecclesiastica persona an-  
tiquitus habuerit potestatem infeudandi. Quæ  
sententia etsi nova est, non tamen fundamentis  
suis destituitur, & fortassis probabiliter defendi  
potest. arg. tit. 35. lib. 2. Feud. Vult. in lib. 1. de feud.  
cap. 5. n. 14. vers. *Verum enim vero.* pag. (mibi) 108.  
Quem sequitur Iohan. Henricus Linck d. part. 2. n.  
II.

**XXXVII.** Sed num hoc absq; Pontificis & capi-  
tuli consensu liceat prælato Ecclesiæ, expedi-  
tum non est. Affirmantium tamen sententiæ  
subscribendum videtur. per capit. 2. vers. in primo.  
extr. de feud. Rosenthal. cap. 4. conclus. 21. n. ult. Zas.  
part. 5. n. 47.

**XXXVIII.** Et quidem, quin extraneo cuivis,  
etiam laico, res Ecclesiasticæ in feudum dari pos-  
sint,



sint, dubium non est; Consanguineo autem suo  
prælatum Ecclesiæ rem Ecclesiasticam, infeuda-  
ri etiam solitam, non posse in feudum dare, mul-  
ti docuerunt: A quibus tamen recte alij disce-  
dunt. *Schrader. part. 4. c. 2. n. 24. Rosenthal cap. 4.  
concl. 23. Vult. cap. 5. n. 14. Hartman. Pistor. lib. 2.  
quest. 27 n. 30.*

**XXXIX.** Rectius itaq; inter res, quæ in feudari  
non possunt, juxta superiorem regulam, refe-  
runtur res minores; Has enim nec ab ipso nec ab  
alio citra decretum magistratus: immo nec cum  
decreto aliter, quam si necessitas postulat, aliena-  
ri posse constat *l. 22. C. de admin. tut. Sonsbec. in  
tractat. feud. part. 8. n. 12. cui. adde allegat supra ad  
thesin. 15. 18. §. 19. disputat. 3.*

**XL.** Eiusdemq; conditionis est fundus dota-  
lis qui & ipse ex *L. Iulia* & post ex constitutione  
Iustiniani, alienari prohibet, *in pr. Instit. quib.  
alien. licet vel non. Sonsbec in d. part. 8. n. 11.*

**XLI.** Et res vel statuto vel testamento  
alienari prohibitæ: *Sonsbecius in d. part. 8. n.  
15. & 16.*

**XLII.** Itemq; res alienæ; Quæ tamē si ignoran-  
ti fuerint in feudum concessæ, aut accipiens pa-  
cto sibi speciali prospexerit, tenet conferens effi-  
cere ut vasallus aut feudū servet, aut æquivalens  
aliud

aliud habeat, *tit. 8. lib. 2. F. Sonsbec. d. part. 8. n. 33.*  
*Schrader. part. 3. cap. 1. n. 6. Rosenthal cap. 4. conclus.*  
*11. Vult. de feud. lib. 1. cap. 5. n. 16. & seq. VVesenb.*  
*de feud. cap. 7. num. 7.*

**XLIII.** Res imperij imperator distrahere LL.  
imperij prohibetur, Eas tamen in feudum dare  
posse supra adversus *Bocerū* defendimus *in disp. 3.*  
*thesi 9. ubi vide quos pro sentētia nostra allegauimus.*

**XLIV.** Sic etiam feudum ipsum, quamvis *Fri-*  
*derici & Lotharij* cōstitutionibus alienari, sine cō-  
sensu illorum, de quorū præjudicio agitur, pro-  
hibitum sit, subinfeudari tamen jure nostro feu-  
dali aperte permissum est, *tit. 9. 26. 34. lib. 2 Feud.*  
*Duaren. ca. 5. n. 3. Sonsbec. part. 8. n. 14. Vult. de feud.*  
*lib. 1. cap. 10. n. 85.*

**XLV.** Et quidem res propriæ ipsius accipi-  
entis frustra in feudum ipsi ignorantibus concedun-  
tur: scienti verò sic rectè infeudantur, ut is spon-  
te tanquam suas animo alienandi & donandi in  
feudum recognoscat, *vide Vult. in d. cap. 5. n. 19.*

**F I N I S.**

Wittenberg, Diss., 1587-1612

ULB Halle

3

002 392 011





SB

VD 17

Retrokonv,








B.I.G.

Farbkarte #13



EVDALIS  
 o IV.  
 VÆ IN  
 RI POS.  
*te gratia*  
 tebergensium  
 ia,  
 SIDIO  
 ICI HVNNII  
 essi U. J. D.  
*nussa proponit*  
 NESE NUS.  
*is & loco solitis.*  
 ERGÆ  
 Seuberlichij.

49a  
11.

